



1141

Broj: 01-05-31491-1/16 KM
Sarajevo, 28.11.2016. god.

SKUPŠTINA KANTONA SARAJEVO SARAJEVO

PREDMET: „Poslanička inicijativa“

U prilogu dopisa dostavljamo Vam odgovor na pokrenutu poslaničku inicijativu na 22. Radnoj sjednici Skupštine Kantona Sarajevo održanoj dana 14.11.2016. godine, od strane zastupnika Mirze Čelika.

Pitanje:

„Ovim putem tražimo da se izvrši registracija autobuske linije na relaciji Hrasnica – Vijećnica, te da prijevoznici poštuju utvrđeni red vožnje.

Obrazloženje

U zadnje vrijeme sam zaprimio dosta prijava građana koji se žale na neodržavanje linija javnog prijevoza putnika na autobuskim relacijama. Naime, prijevoznici koji vrše redovam prijevoz putnika nepoštuju utvrđene redove vožnje.

Imajući u vidu činjenicu da se radi o ozbiljnom problemu, molim da naložite prijevoznicima da poštuju utvrđene redove vožnje.

Želim da napomenem da je i Općinsko vijeće donijelo Zaključak broj 01-02-27-23789/14-1 od 26.06. 2014. godine u kojem se traži da se registruje gore navedena linija.“

Odgovor :

Postupajući u skladu sa “Pravilnikom o uslovima, načinu i specifičnosti organizacije obavljanja javnog linijskog prijevoza putnika u Kantonu Sarajevo” (“Sl. novine Kantona Sarajevo” broj: 28/09), Ministarstvo je zahtjev Općine Ilidža za registraciju nove linije Hrasnica – Vijećnica (komercijalna linija) uputilo Komisiji za izradu mreže linija na području Kantona Sarajevo za javni linijski prijevoz putnika na razmatranje.

Na II sjednici Komisije za izradu mreže linija na području Kantona Sarajevo za javni linijski prijevoz putnika, održane dana 22.04.2016. godine razmatran je zahtjev za registraciju nove autobuske linije Hrasnica – Vijećnica (komercijalna linija), i donesen je slijedeći zaključak:

Nakon provedene diskusije po pitanju uspostave kantonalne autobuske linije Hrasnica – Vijećnica, u koju su se uključili svi članovi komisije konstatovano je da zahtjev nije opravdan.

Obrazloženje: Predloženi itinerer (trase) linije se u potpunosti poklapa sa trasom autobuske linije broj 27 Ilidža – Hrasnica i tramvajske linije broj 3 Ilidža – Bašćaršija. Prijedloženi terminusi i stajališta na liniji su identični kao na autobuskoj liniji broj 27 Ilidža – Hrasnica i paralelna stajališta tramvajske linije broj 3 Ilidža – Bašćaršija.



Pored toga predloženi itinerer nove autobuske linije Hrasnica – Vijećnica ima dio zajedničke trase sa linijama: autobuska linija broj 27a Ilidža – Sokolovići, autobuska linija broj 27b Ilidža – Kovači (Hrasnica), autobuska linija broj 31e Vijećnica – Dobrinja, tramvajska linija broj 6 Skenderija – Ilidža i tramvajska linija broj 4 Željeznička stanica – Ilidža.

Linija Hrasnica – Vijećnica sa predloženim itinererom i stajalištima bi u potpunosti bila paralelna linija sa već registrovanim linijama, a u najvećem dijelu paralelni prijevoz sa ekološki prihvatljivim prijevozom (tramvajski), takođe bi u dobroj mjeri isti ometala i usporavala.

Ministarstvo će i u narednom periodu u postupcima modifikacije mreže linija postupati u skladu sa "Pravilnikom o uslovima, načinu i specifičnosti organizacije obavljanja javnog linijskog prijevoza putnika u Kantonu Sarajevo" ("Sl. novine Kantona Sarajevo" broj: 28/09).

Stalna aktivnost Ministarstva je sagledavanje kvaliteta javnog graskog prijevoza putnika i obima poremećaja u pružanju komunalne usluge javnog linijskog prijevoza putnika na području Kantona Sarajevo, a što se oslikava kroz realizaciju registrovanog „Reda vožnje“ tj. razliku između realizovanog i registrovanog „Reda vožnje“.

Ministarstvo na sve uočene propuste i primjedbe iznesene od strane korisnika usluga u smislu nepoštivanja reda vožnje od strane prijevoznika, **nalaže prijevozniku da poveća kvalitet realizacije reda vožnje, ravnomjernost, tačnost i pouzdanost** a što će biti prioritet i u daljnjim aktivnostima.

Takođe, kako bi se poboljšalo stanje u javnom linijskom prijevozu putnika vode se aktivnosti povećanja kapaciteta voznog parka KJKP "GRAS" d.o.o. Sarajevo, kako bi se stvorili uslovi za održavanje registrovanih redova vožnje. U 2015. godini izvršene su nabavke trolejbusa i autobusa, u 2016. godini planirana su sredstva u Budetu Kantona Sarajevo za nabavku dodatnog broja vozila (trolejbusa i minibusa).

S poštovanjem,

Dostaviti:

- Skupština Kantona Sarajevo
- evidencija
- arhiva



MINISTAR
Dr. sc. Mujo Fišo



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1

